

VERSOS CANTADOS

EN LA PARROQUIA DE SANTA MARÍA

DE ESTA CIUDAD

en la Navidad del año 1853

y debidos al popular donostiarra JOSÉ V. de ECHAGARAY



Ernai guztiok, ez da gaur lorik
Alegra bedi bakoitza,
Atozte bada celebratzera
Jesus onaren jayotza:
Ager dezagun, aitor dezagun,
Alegre zorion poza,
Soñuarekin jaso dezagun
Jaunaren gana biotza.



Gaurko gaba da oroigarria
Zeruan eta lurrean.
Aingeruakin daude gizonak
Jesus onaren oñean:
Guazen gu ere ikus dezagun
Portal aspian lurrean,
Santu guztien Zeruko jauna
Ukullu pobre batean

